

時建齋為始至其時開奏上真請福祈恩安  
神解犯輒依齋法先宿以啓聞恩惟太上三尊  
十方眾聖垂慈鑒映省覽所陳勅勒鑒察使  
者土地真官一合同心併力管衛掃蕩內外  
清靜壇場通達虛无感降真聖使臣及齋官  
心安神定思念臣立感啓奏御達善功周就無  
有窒滯明旦行道續更啓聞

十二願

復爐

香官使者左右龍虎君侍香諸靈官當令臣  
向來啓壇行道之所自然生金液丹碧芝英  
百靈眾真交會在此香火爐前當願十方仙  
童玉女接侍蘭煙傳臣向來所啓之誠速達  
徑御  
至真無極大道

昊天玉皇上帝 御前

出堂頌 出戶

道門科範大全集卷之三十七

道門科範大全集卷之三十八

三洞經錄弟子仲勸

安宅解犯儀

清旦行道

法事陞壇如式

各禮師存念如法

宣衛靈呪

青陽虛映 耀日回靈 神虎辟邪 飛天流鈴  
摧奸滅試 萬魔東形 九微迴道 八威攝精  
十真校錄 三元蕩清 左嘯中黃 右策六丁  
七轉八合 周旋天經 聖化魏魏 大道興行  
慶雲流布 合景黃庭 與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧  
香驛龍騎吏侍香金童傳言散花玉女五帝  
直符直日香官各三十六人出出者嚴裝顯  
服冠帶垂纓關啓壇土地方域神真臣今  
清旦行道謹奉為入意其諸忱悃已錄奏聞  
願得

太上十方至真道炁靈寶瑞光下降流入臣  
身中令臣所啓速達徑御

太上無極大道

昊天玉皇上帝 御前

請稱法位

具位臣某與闔壇官眾等謹同誠上啓  
太上無極大道元始天尊太上道君太上老  
君昊天至尊玉皇上帝勾陳星宮天皇大帝  
中天星主紫微大帝承天效法后土皇地祇  
十方無極大道道德眾聖天尊至真大帝天  
帝三十六部尊經玄中大法師土府太皇太  
始五帝中黃戊己應感真靈臣聞天尊孕化  
大道垂功二氣裁形萬靈資始圓清上結懸  
日月而列星辰方濁下凝布山川而融海嶽  
由是百神受職以定方隅五帝司分各安其  
位至乃清都紫閣百雉九重郡邑城池人倫  
宅宇皆有法象以配乾坤爰資安鎮之功用  
叶又康之福臣等職當行教佐國立功凡有  
所祈理宜聞奏况奉詞旨敢不上聞

宣詞

按如詞言情旨切莫因精感上達真靈且  
等舉勵法流依科式敷壇列纂法地像天  
鎮龍綵於十方貢詞誠於三境以今清旦行  
道請法眾等運茲初檢上香  
願此香雲騰空供養

十方無上道實天尊等皈身皈神皈命自  
體投地以是檢香功德上祝

當今皇帝陛下伏冀五山鎮地永比鴻圖八  
海浮天長齊鳳曆祥起周漢聖越義農妃后  
皇儲克光睿德諸王公主允契休符混車軌  
於九圍集梯梳於萬寓今故燒香自歸依  
道尊大聖眾至真之德得道之後保天長存  
和與道合真

以今清旦行道請法眾等運茲二檢上香  
願此香烟騰空供養

十方經實天尊等皈身皈神皈命首體投  
地以是檢香功德歸流齋官某家九世七玄  
俾起夜府六親五族並證仙階宅宇清寧龍  
神鎮守凶災珍息妖惡不與今故燒香自歸  
依

經尊大聖眾至真之德得道之後昇入無形  
和與道合真

以今清旦行道請法眾等運茲三檢上香  
願此香烟騰空供養

十方師實天尊等皈身皈神皈命首體投  
地以是檢香功德歸流天地之內有識含生  
咸沐道風盡登真果齋官某家祛未兆福降  
無涯俱乘妙道之功永證長生之品今故燒  
香自歸依  
師尊大聖眾至真之德得道之後永天長存  
和與道合真

職方 三啓 三禮  
重稱法位  
具位 某等謹同誠上啓  
虛无至真三境天尊十方無極大道道德眾

聖天尊三十六部尊經玄中大法師土府太  
皇太始五帝中黃戊己應感真靈聞道化  
未分混沌之首體玄功而不宰任真一以無  
為洎手二象分靈三才設位清濁配乾坤之  
質晦明彰晝夜之殊陰陽眾神各司其職於

是構茲棟宇代彼層巢既取法於天關遂主  
張於陰陽所以乾天允澤各有統臨離火巽  
風互明衰盛順之則必符負吉違之則自取  
悔尤惟古及今率由斯道齋官某爰因卜筮  
恐有犯違神道難明常情靡測既畢功於土

木將展禮於香燈懺罪希恩祛災謝過大弘  
齋薦上達至真是用敷列法壇按遵科典蘭  
燈散彩下照九幽香穗凝烟上通三境轉經  
行道普為懺祈或犯忤靈概傷地府或殘  
害物命汗漬靈蹤或觸動龍神違諸禁忌或  
因力役致有怨咎或以遷移不遵方所積成  
釁怨因結災纏或在九宮八卦之中或在十  
二支干之內或犯陰陽刑殺七十二神下繫  
地司上言天府憑今懺謝並乞蕩除使齋福  
普覃善功遐被降九龍符命宣告諸天運三

寶威神救勒三界極茲夜府開諸光明安帝  
業於九重播玄休於萬國五兵偃戢百穀豐  
登齋官某家存歿入康族屬昭恭子孫忠孝  
祚胤繁昌落罪簡於陰曹列仙名於真境陰  
陽職秩內外神靈護法安人濟時利物共揚

道化助正却邪退及幽明同臻妙道上明  
天尊廣濟之澤下副<sub>臣</sub>等皈命之誠謹啓以  
聞

十二願

復爐

香官使者左右龍虎君侍香諸靈官當令<sub>臣</sub>  
向來清旦行道之所自然生金液丹碧芝英  
百靈衆真交會在此香火爐前當願十方仙  
童玉女接待蘭烟傳<sub>臣</sub>向來所啓之誠速達  
徑御

至真無極大道

昊天玉皇上帝<sub>御前</sub>

出堂頌

出戶

道門科範大全集卷之三十八

道門科範大全集卷之三十九

三洞經錄弟子仲勵編

安宅解化儀

臨午行道

法事陞壇如式

各禮師存念如法

宣衛靈呪

丹靈朱火炎霞激風赤輪剛運天光行衝  
迸威包羅交變萬方流金豁落羣魔滅蹤  
辟奸破妖明耀元功金符召制曠雲策龍  
誦歌慶會散花太空神化宜運四極安隆  
伏御帝前罔有不恭<sub>和</sub>與道合真

鳴法鼓二十四通

無上三天玄元始三炁太上道君太上老君  
召出<sub>臣</sub>身中三五功曹左右官使者左右捧

香驛龍騎吏侍香金童傳言散花玉女五帝  
直符直日香官各三十六人出出者嚴裝顯  
服冠帶垂纓關啓玄壇土地方域神真<sub>臣</sub>今  
臨午行道謹奏爲入悉其諸忱悃已錄告聞  
願得

太上十方至真道炁靈寶瑞光下降流入<sub>臣</sub>  
身中令<sub>臣</sub>所啓速達徑御

太上無極大道

昊天玉皇上帝<sub>御前</sub>

請釋法位

具位<sub>臣</sub>某與闔壇官衆等謹同誠上啓  
太上無極大道元始天尊太上道君太上老  
君十方無極大道道德衆聖天尊至真大帝  
天帝三十六部尊經玄中大法師土府太皇  
太始五帝中黃戊己應感真靈<sub>臣</sub>等夙荷玄  
休躬逢道化五文散景三洞開光引至理於  
重玄暢神功於妙用獲參秘贖得以稟修而  
告盟之初立功爲本凡有皈向敢不上聞爰  
有忱誠謹當宣奏

宣詞

按如詞旨誠切修崇<sub>臣</sub>等忝職玄科理宜開  
度齋官某項因繕緝土木興工慮犯真靈願  
伸祈懺是敢按三清之格披九奏之儀奉信  
列詞請修齋直冀感關奏上達至真以令臨  
午行道請法衆等運茲初捨上香